

Extrait d'une lettre du Prince
d'Orange au Roy du 13 juin 1561.

Estant dernièrement retourné d'Allemagne j'avois
Escript à V. M. comme Le Duc Auguste de Saxon Electeur
moy estans à Dresden suivant ses premieres offres et
promesses m'avoit derechief promis la Nicpe fille uni-
-que du Duc Mauritz en mariaige et que pour plus
grande seurte nous estions fiancé ensemble, mais que
lors ny estoit prinse aucun certain jour pour Celebrer
les nopces, depuis quelque temps enca m'advertist bien
le Duc estre d'intention de faire les nopces le 25 Joust
si aucunement luy fust possible, et pour au tant que
par les d.^s lettres je ne pouois cognoistre aucune certi-
-tude ou asseurance, je n'ay voulu importuner V. M.
de mes lettres jusques à maintenant pour ce Sire que
depuis peu des jours enca j'ay reçu au tres lettres

Dud.^e Duc par lesquelles il me mandent qu'il est entierem.
resolu de tenir lesd.^s Noces en la Ville de Leipsich les.
25 d'aoust prochainement venant, dont je n'ay voulu
delaisser d'advertir V. M. comme à mon Prince et
maistre, et la Supplier tres humblement, qu'il luy
plaist de me faire cestuy honneur comme à uny sien
~~tres humblement~~ tres humble Serviteur et Vassal, que de
y envoyer quelque personnaige de la part de V. M.
afin que tous les Princes et Seigneurs que y seront
en grand nombre peuvent par effect cognoitre que
V. M. m'est uny bon Maistre, et que j'elle veult bien faire
tant d'honneur à uny de ses tres humbles et tres obeissants Ser-
viteurs, que d'envoyer uny de sa part pour tant plus honorer
la feste et Celebration dud.^s noces. Quoy faisant Sire, V. M.
m'obligera avec les miens d'autant plus nous employer en tout ce
que concernera son service, comme de ma part j'elle ne trouvera aulcun
faulte, sy long temps que l'annee me bat au corps. &c.